



Statuts da l'Uniun «La chanzun rumantscha»

1. Num e sedia

- a) L'Uniun «La chanzun rumantscha» (LCR) è in'uniun d'util public, betg orientada al gudogn tenor art. 60 ss. CCS.
- b) La sedia da l'uniun sa chatta al lieu da domicil da la presidenta/dal president.

2. Scopo

- a) Il scopo da l'uniun è la promoziun da la musica rumantscha en general e da la chanzun da chors en spezial.
- b) Ella fa quai p.ex. cun
 - promover e derasar cumposiziuns rumantschas,
 - organisar regularmain ina scuntrada, durant la quala il chant e la musica rumantscha en tut sias furmas e fassetas vegn preschentada a la publicitad.

3. Commembranza

- a) Commembra/commemember po daventar mintga persuna singula che sustegn las finamiras da l'uniun e che paja la contribuziun annuala.
- b) La commemoranza terminescha cun la sortida, exclusiun u la mort.
- c) Commembras e commemorers che han paja durant almain dus onns la contribuziun annuala han entrada libra a las occurrenzas organisadas da l'uniun.

4. Exclusiun

- a) Ina commembra/in commemorer po vegnir exclus da l'uniun da tut temp cun inditgar il motiv.
- b) La suprastanza prenda la decisiun d'exclusiun.
- c) La commembra/il commemorer po far recurs avant la radunanza generala.

5. Commembras u commemorers d'onur

- a) A personas che han acquistà gronds merits per l'uniun po la radunanza generala conceder la commemoranza d'onur.
- b) Commembras e commemorers d'onur na pajan nagina contribuziun annuala.

6. Finanzas

- a) Per ademplir il scopo da l'uniun dispona quella da las contribuziuns da las commembras/dals commemorers. L'import vegn fixà da la radunanza generala.
- b) Ulteriurs meds finansials da l'uniun vegnan generads da sponsurs, dad occurrenzas, da contribuziuns privatas e publicas sco era da donaziuns voluntarias da tut gener.
- c) L'uniun stat buna sulettamain cun sia facultad. Ina responsabladad persunala dals commemorers è esclusa.

7. Organs da l'uniun

- a) la radunanza generala
- b) la suprastanza
- c) ils revisurs dal quint

8. Radunanza generala

- a) L'organ suprem da l'uniun è la radunanza generala che ha lieu almain mintga dus onns.
- b) Almain 14 dis avant il termin vegnan las commembras/ils commembers envidads en scrit a la radunanza generala.
- c) Novas tractandas/propostas p.m. da la radunanza generala ston vegnir inoltradas da las commembras/dals commembers almain 10 dis avant il termin a la presidenta/al president.
- d) La radunanza generala ha suandantas incumbensas obligatorias:
 - 01) approvar il protocol da l'ultima radunanza generala
 - 02) prender per enconuschientscha il rapport da la presidenta/dal president
 - 03) elecziun da la presidenta/dal president e da la suprastanza
 - 04) elecziun dals revisurs dal quint
 - 05) approvar il quint ed il rapport dals revisurs dal quint e dar distgargia als organs
 - 06) fixar la contribuziun annuala
 - 07) approvar il program da lavur ed il preventiv
 - 08) tractar las propostas inoltradas da las commembras/dals commembers
 - 09) nominaziun commembras/commembers d'honor
 - 10) tractar ils recurs d'exclusiun
 - 11) approvar e modifitgar ils statuts
 - 12) decider davart dissolver l'uniun e co reparter la facultad

9. Radunanza generala extraordinaria

- a) La suprastanza po tenor basegn convocar ina radunanza extraordinaria.
- b) Ella è obligada da convocar ina tala sin dumonda en scrit d'almain in tschintgavel da las commembras/dals commembers.

10. Elecziuns e votaziuns

- a) Mintga commember posseda ina vusch a la radunanza generala. Votaziun per procura n'è betg admissa.
- b) Las decisiuns crodan cun la majoritad simpla.
- c) En cas da paritad da las vuschs tar votaziuns dat la persuna che presidescha l'uniun la decisiun. En cas d'egualitad da vuschs tar elecziuns vegn tratg la sort.
- d) Conclus davart revisiuns dals statuts e per la dissoluziun da l'uniun basegnan ina majoritad da 2/3 da las vuschs valaivlas preschentadas a la radunanza.
- e) L'elecziun/la votaziun è averta, nun che 1/3 da las votantas/ils votants preschents pretendan scrutini.

11. Suprastanza

- a) La suprastanza consista da 3-5 persunas.
- b) La presidenta/il president vegn elegì da la radunanza generala. Ils ulteriurs suprastants sa constitueschan sez; la suprastanza numna la/il vicepresidenteA e decida tge suprastant ch'ha tge ressort (finanzas, actuarA etc.)
- c) La suprastanza vegn elegida per ina perioda da dus onns, ubain – sche quella n'ha betg lieu en il turnus usità – fin tar la proxima radunanza generala, e po vegnir reelegida.

d) La suprastanza represchenta l'uniun anoravers e maina las fatschentas en il rom dal program da lavur e dal preventiv.

e) Las commembras/ils commembers da la suprastanza lavuran da princip gratuitamain. Resalvada è l'indemnisaziun da spensas. Ina indemnisaziun moderada po vegnir pajada per lavurs che surpassan las activitads ordinarias da l'uniun.

12. Revisurs

a) La radunanza generala elegia dus revisurs dal quint, ils quals examineschan la contabilitad e rapportan per mauns da la radunanza generala.

b) Ils revisurs vegnan elegids per ina perioda da dus onns e pon vegnir reelegids.

13. Suttascripziun

La persuna che presidescha l'uniun ed ina commembra u in commember da la suprastanza segnan en dus per l'uniun.

14. Dissoluziun da l'uniun

La facultad ch'è avant maun il mument da la dissoluziun da l'uniun vegn surdada ad ina instituziun cun sedia en Svizra ch'è liberada da la taglia e che ha las medemas ubain sumegliantas finamiras. Ina repartiziun da la facultad da l'uniun sin las commembras/ils commembers è esclusa.

15. Entrada en vigur

Quests statuts èn vegnids approvads da la radunanza generala dals 9 da november 2018 e remplazzan ils statuts sancziunads a chaschun da la radunanza da fundaziun dals 4 d'october 2016 a Trun.

Il president

L'actura

Clau Scherrer

Flavia Walder-Hublard